


SARAJEVO 9/4  
 20. 04. 2009. (preporučeno)  
 prijemnika od  
 prilozi 1 rubrika  
 Predato poštom preporučeno na receptu dana  
 20. godina.  
 KOD u telef. i drugim oznakama  
**BOSNA I HERCEGOVINA**  
**TUŽILAŠTVO-TUŽITELISTVO BiH**  
**SARAJEVO**  
 Ovlašteni: *Adwa. J.*

Broj: KP-RZ-17407  
 Sarajevo, 16. april 2009. godine

Sud BiH / Općni Sud  
 Kancelarija za postupanje i Apelaciono odjeljenje /  
 Prijemno odjeljenje i Apelaciono odjeljenje  
 Odl. i Odl. D/10-2019-10  
 Odl. za sudbu izvan / Sud  
 22  
 20-04-2009  
 20-04-2009



Na osnovu člana 35. stav 2. tačka 1) i člana 226. stav 1. Zakona o krivičnom postupku Bosne i Hercegovine, podižem:

## OPTUŽNICU

Protiv:

- TOMIĆ LJUBE** sin Pere i Nevenka rođ. Sandić, rođen 29.06.1964. godine u mjestu Malešići, općina Zvornik, gdje je i nastanjen kbr. 136., Srbin, državljanin BiH, JMBG: 2906964183895, po zanimanju rukovaoc građevinskih mašina, neoženjen, pismen, završio srednju rudarsku školu, vojsku služio u Štipu 1984. godine, bio pripadnik Vojske RS-e od februara 1992. do opšte demobilizacije, vodi se u VE Zvornik, srednjeg imovnog stanja, neosuđivan.
- JOSIĆ KRSTE** zv. „Krele“ sin Ivana i Cvijete rođ. Ristanović, rođen 10.06.1965. godine u mjestu Malešići, općina Zvornik, nastanjen u Čelopek bb., općina Zvornik, Srbin, državljanin BiH, JMBG: 1006965183916, po zanimanju građevinski radnik, oženjen, otac jednog djeteta, pismen, završio srednju građevinsku školu, vojsku služio u Kičevu 1984./1985. godine, bio pripadnik Vojske RS-e od februara 1992. do kraja 1995. godine, vodi se u VE Zvornik, srednjeg imovnog stanja, neosuđivan.

Što su:

Tokom rata u Bosni i Hercegovini, u vrijeme oružanog sukoba kao pripadnici vojske Srpske Republike BiH postupili protivno odredbama

**Međunarodnog humanitarnog prava, pri tome kršeći odredbe člana 3. stav 1. tačka a) Ženevske konvencije o zaštiti civilnih lica za vrijeme rata od 12.08.1949. godine, tako da su:**

**Dana 26.06.1992. godine u šumi zv. „Marhoši“ u mjestu Kozluk općina Zvornik, a koju su prethodno opkolili pripadnici vojnih formacija TO Zvornik, odnosno pripadnici vojske Srpske Republike BiH da bi pronašli preostale Bošnjake iz Kozluka, a među kojima se nalazio i izvjestan broj prethodno protjeranih stanovnika sela Kaludrani i koji su se tu sakrili plašeći se za svoju bezbjednost, vojnici Tomić Ljubo i Josić Krsto prepoznali svoje komšije [REDACTED], te u namjeri da ih liše života pucali u njih iz vatrenog oružja i tom prilikom ubili [REDACTED] i [REDACTED] dok je [REDACTED] uspio pobjeći,**

**Dakle,**

**kršeći pravila Međunarodnog humanitarnog prava za vrijeme oružanog sukoba na području općine Zvornik, prema civilnom stanovništvu vršili ubistva.**

**Čime su,**

**Kao sučinitelji počinili krivično djelo- Ratni zločin protiv civilnog stanovništva iz člana 173. stav 1. tačka c), u vezi sa članom 29. i 180. stav 1) Krivičnog zakona Bosne i Hercegovine.**

**Zbog toga**

**Predlažem da Sud BiH**

**I**

**Zakaže i održi glavni pretres, na koji treba pozvati slijedeća lica,**

- **užioca Tužilaštva BiH,**
- **optuženog Tomić Ljubu, Malešići bb., općina Zvornik,**
- **optuženog Josić Krstu, Čelopek bb., općina Zvornik,**

- *branilaca optuženih, advokata Rubež Nenada ul. Svetog Save br. 84., općina Zvornik,*

## II

**Prijedlog dokaza, koji se trebaju izvesti na glavnom pretresu:**

**a) Saslušanje u svojstvu svjedoka:**

- 1.
- 2.
- 3.
- 4.
- 5.



**b) Saslušanje u svojstvu vještaka:**

- 1.



**c) Iznošenje dokaza:**

1. *Odluka o proglašenju neposredne ratne opasnosti Predsjedništva Republike Bosne i Hercegovine od 08. aprila 1992. godine („Službeni list RBiH”, broj: 1/92 od 09.04.1992. godine);*
2. *Odluka o proglašenju ratnog stanja Predsjedništva Republike Bosne i Hercegovine od 20. juna 1992. godine („Službeni list RBiH”, broj: 7/92 od 20.06.1992. godine);*
3. *Obavijest – saglasnost Tužilaštva Bosne i Hercegovine, Posebni odjel za Ratne zločine, Regionalni tim III, broj KTA-RZ-339/06 od 22.09.2006. godine;*
4. *Akt –saglasnost Tužilaštva Bosne i Hercegovine, Posebni odjel za Ratne zločine, Regionalni tim III, broj KTA-RZ-339/06 od 13.02.2007. godine;*
5. *Rješenje Kantonalnog suda Tuzla broj: 003-0-KPS-07-000015 od 03.04.2007. godine;*

6. **Akt Suda Bosne i Hercegovine, broj: X-KRN-07/346 od 23.05.2007. godine;**
7. **Naredba za ekshumaciju Kantonalnog suda Tuzla, broj: KRI-67/03 od 03.04.2003. godine;**
8. **Zapisnik o ekshumaciji Kantonalnog suda u Tuzli, broj: KRI-67/03 od 14.04.2003. godine, uz dopis Kantonalnog suda u Tuzli broj: KRI-67/03 od 28.12.2006. godine;**
9. **Fotodokumentacija o izvršenom uviđaju u šumi zv. „Marhoše“, Ministarstva unutrašnjih poslova Tuzlanskog kantona-Tuzla, broj: 08-02/3-5-04.6-5900/03 od 20.10.2003. godine, uz objašnjenje fotodokumentacije, broj isti od 25.11.2003. godine;**
10. **Izveštaj o sudsko-medicinskoj ekspertizi posmrtnih ostataka, broj slučaja Z.KOZ-13 od 14.01.2004. godine, ekspertnog tima UKC Tuzla;**
11. **Zapisnik o utvrđivanju identiteta posmrtnih ostataka [REDACTED] Z.KOZ-13 od 07.05.2004. godine;**
12. **DNK izvještaj za oznaku Z.KOZ-13 na ime [REDACTED] izdata od ICMP-a 26.04.2004. godine;**
13. **Potvrda o smrti na ime [REDACTED] UKC Tuzla-prepis 271/04, nova oznaka 292/09 od 31.03.2009. godine;**
14. **Izveštaj o sudsko-medicinskoj ekspertizi posmrtnih ostataka, broj slučaja Z.KOZ-14 od 19.01.2004. godine, ekspertnog tima UKC Tuzla;**
15. **Zapisnik o utvrđivanju identiteta posmrtnih ostataka [REDACTED] Z.KOZ-14 od 07.05.2004. godine;**
16. **DNK izvještaj za oznaku Z.KOZ-14 na ime [REDACTED] izdata od ICMP-a 26.04.2004. godine;**
17. **Potvrda o smrti na ime [REDACTED] UKC Tuzla-prepis 272/04 nova oznaka 291/09 od 31.03.2009. godine;**
18. **Izveštaj o sudsko-medicinskoj ekspertizi posmrtnih ostataka, broj slučaja Z.KOZ-15 od 19.01.2004. godine, ekspertnog tima UKC Tuzla;**
19. **Zapisnik o utvrđivanju identiteta posmrtnih ostataka [REDACTED] Z.KOZ-15 od 22.07.2004. godine;**
20. **DNK izvještaj za oznaku Z.KOZ-15 na ime [REDACTED] izdata od ICMP-a 05.05.2004. godine;**
21. **Potvrda o smrti na ime [REDACTED] UKC Tuzla-prepis 463/04 nova oznaka 290/09 od 31.03.2009. godine;**

22. Podaci iz kaznene evidencije za Tomić Ljubo SJB Zvornik, broj: 12-01/02-235-9040/06 od 20.12.2006. godina uz dopis PU Tuzla broj: 08-02/4-1-04.3-7787/06 od 22.12.2006. godine;
23. Izvod iz CIPS baze podataka na ime Tomić /Pero/ Ljubo;
24. Izvod iz CIPS baze podataka na ime Josić /Ivan/ Krsto.

### III

#### Rezultati istrage:

Ovoj optužnici prethodila je istraga provedena od strane Kantonalnog tužilaštva Tuzlanskog kantona –Tuzla, a na osnovu saglasnosti Tužilaštva BiH, Posebni odjel za Ratne zločine, Regionalni tim III, broj: KTA-RZ-339/06 od 22.09.2006. godine. Shodno saglasnosti Tužilaštva BiH, Posebni odjel za Ratne zločine, Regionalni tim III, broj: KTA-RZ-339/06 od 13.02.2007. godine, Kantonalno tužilaštvo Tuzlanskog kantona je dana 21.03.2007. godine podiglo optužnicu broj KT-RZ-11/06 protiv Tomić Ljube i Josić Krste, zbog krivičnog djela –Ratni zločin protiv civilnog stanovništva iz člana 142. stav 1. u vezi sa članom 22. preuzetog KZ-a SFRJ. Odučujući po navedenoj optužnici, Kantonalni sud Tuzla se rješenjem broj 003-0-KPS-07-000015 od 30.04.2007. godine oglasio stvarno nenadležnim. Istim rješenjem, a koje je postalo pravomoćno 03.05.2007. godina, odučeno je da će se predmet po pravomoćnosti rješenja dostaviti Sudu BiH kao stvarno nadležnom sudu. Sud BiH je svojim aktom broj X-KRN-07/346 od 23.05.2007. godine naložio Tužilaštvu BiH da navedenu optužnicu uredi, radi vođenja krivičnog postupka pred Sudom BiH.

Tokom istrage ispitani su osumnjičeni, saslušani su svjedoci i pribavljena je materijalna dokumentacija, pa iz svih dokaza prikupljenih tokom istrage proizilazi osnovana sumnja, da su osumnjičeni Tomić Ljubo i Josić Krsto, kao saučelnici počinili krivično djelo –Ratni zločin protiv civilnog stanovništva iz člana 173. stav 1. tačka c), u vezi sa članom 29. i 180. stav 1. Krivičnog zakona Bosne i Hercegovine.

Da je u kritičnom periodu postojao oružani sukob na području Bosne i Hercegovine, pa tako i na teritoriji općine Zvornik, kao nesporno proizilazi iz Odluke o proglašenju neposredne ratne opasnosti Predsjedništva Republike Bosne i Hercegovine od 08. aprila 1992. godine („Službeni list

R BiH", broj: 1/92 od 09.04.1992. godine) i Odluke o proglašenju ratnog stanja Predsjedništva Republike Bosne i Hercegovine od 20. juna 1992. godine („Službeni list RBiH", broj: 7/92 od 20.06.1992. godine), kao i iz iskaza saslušanih svjedoka, pa i samih osumnjičenih.

Krivično-pravna radnja koja se stavlja na teret osumnjičenima, tj. ubistvo tri civila predstavlja teške povrede Ženevske konvencije o zaštiti građanskih lica za vrijeme rata od 12. augusta 1949. godine, i posljedica je oružanog sukoba. Sve žrtve navedene u optužnici bile su civili i u periodu koji obuhvata optužnica bile su zaštićene navedenom Ženevskom konvencijom. Iz iskaza saslušanih svjedoka nedvojbeno protizilazi, da osobe lišene života nisu bile aktivno uključene u neprijateljstva u relevantno vrijeme, nego su u šumi u kojoj su se krali, lišeni života kao civili u civilnoj odjeći i bez naoružanja, a što potvrđuje i materijalna dokumentacija, prije svega, zapisnik o ekshumaciji, fotodokumentacija, kao i zapisnici o sudsko-medicinskoj ekspertizi ubijenih.

#### **Blanketni propis:**

Član 3. stav 1. tačka a) Ženevske konvencije o zaštiti civilnih žrtava za vrijeme rata od 12. augusta 1949. godine, propisuje da:

„U slučaju oružanog sukoba koji nema karakter međunarodnog sukoba i koji izbije na teritoriji jedne od Visokih strana ugovornica, svaka od Strana u sukobu bit će dužna da primjenjuje bar sljedeće odredbe:

1. Prema licima koja ne sudjeluju direktno u neprijateljstvima, podrazumijevajući tu i pripadnike oružanih snaga, koji su položili oružje i osobe onesposobljene za borbu usljed lišenja slobode ili iz bilo kojeg drugog razloga, postupat će se u svakoj prilici čovječno, bez ikakve nepovoljne diskriminacije zasnovane na rasi, boji kože, vjeri ili uvjerenju, spolu, rođenju ili imovnom stanju ili bilo kojem drugom sličnom mjerilu.

U tom cilju zabranjeni su i u buduću se zabranjuju u svako doba i na svakom mjestu prema gore navedenim osobama sljedeći postupci:

a) povrede koje se nanose životu i tjelesnom integritetu, naročito sve vrste ubistava, osakaćenja, svireposti i mučenja.“

Da su osumnjičeni Tomić Ljubo i Jostić Krsto u inkriminirajućem periodu bili pripadnici vojske Srpske Republike Bosne i Hercegovine, proizilazi iz iskaza kako njih samih, ali i iskaza svjedoka [REDACTED] i [REDACTED]. Svjedok [REDACTED] poznaje osumnjičene i kaže da su bili pripadnici Vojske RS-e, kao i on sam. Svjedok [REDACTED] koji ih također poznaje napominje, da su imenovani u vrijeme kritičnog događaja bili u uniformama i naoružani. Oba osumnjičena tvrde da su bili pripadnici Vojske RS-e od februara 1992. godine pa do opšte demobilizacije, odnosno kraja 1995. godine.

Pri ovome Tužilaštvo BiH podsjeća na odredbu člana 173. Krivičnog zakona Bosne i Hercegovine u kojem se kaže:

„Ko kršeći pravila Međunarodnog prava za vrijeme rata, oružanog sukoba ili okupacije naredi ili učini koje od ovih djela.....“,

Iz navedene odredbe jasno je, da zakonska formulacija krivičnog djela-Ratni zločin protiv civilnog stanovništva čak i ne zahtijeva nužno pripadništvo vojnim formacijama jedne strane u sukobu. Nužno je da se radi o licu koje se stavilo u službu jedne strane u sukobu, te da u ime te strane u toku oružanog sukoba čini kršenje Međunarodnog prava.

Na koncu, počinitelj ovog krivičnog djela može biti svaka osoba.

Oba osumnjičena su dali svoje iskaze u istrazi u prisustvu svog bratoca. Ne spore, da poznaju oštećene, izuzev [REDACTED], ali negiraju da su počinili radnje koje im se stavljaju na teret, tvrdeći da nisu ni bili prisutni na licu mjesta, tj. prilikom njihove likvidacije u šumi zv. „Marhoši“. Međutim, ovakva njihova odbrana je ne utemeljena i očito usmjerena ka izbjegavanju krivične odgovornosti, jer je u suprotnosti sa izvedenim dokazima, a koji ukazuju na sljedeće.

Predloženi materijalni dokazi, kao što su zapisnik o eksumaciji, izvještaji o sudsko-medicinskoj ekspertizi, zapisnici o uvrđivanju identiteta, DNK-a izvještaji i potvrde o smrti, predstavljaju dokaze o smrti [REDACTED] a što je propraćeno i adekvatnom fotodokumentacijom sa lica mjesta i o čemu će tokom suđenja svjedočiti i vještak sudske medicine dr. [REDACTED] a koji je prisustvovao eksumaciji i sačinjavanju navedene dokumentacije. Svjedok-oštećeni [REDACTED] koji se kritičnog događaja uspio spasiti i kojem je ovom

prilikom ubijen sin [REDACTED] decidno navodi u svojim izjavama da je vidio osumnjičene Tomić Ljubu sina Pere i Josić Kostu sina Ivana, a koga su svi u selu zvali „Koja“, ali i „Krstu“, uniformisane i naoružane. Isti su bili sami i našli su na njega i preostatu trojicu, a koji će biti ubijeni u šumi zv. „Marhoši“. Decidno navodi da ih je prepoznao, kao što su i oni njih, obzirom da su se kao komšije od ranije dobro poznavali. Također, ističe da je Josić prethodno zapalio neko sijeno i da bi isti mogao biti rođen 1965. godine, jer je bio vršnjak njegovog ubijenog sina [REDACTED]. U momentu kada je počeo da bježi, čuo je pucnjavu rafalno pa jedinačno, a kasnije je vidio Tomića i Josića kada su prolazili pored njega sakrivenog na oko 10 metara udaljenosti da pucaju i u vazduh. Napominje, da su posmrtni ostaci trojice ubijenih kasnije pronađeni na mjestu gdje ih je ostavio, tj. gdje su se susreli sa Tomićem i Josićem. Na kraju, ponavlja decidno da je svojim očima vidio ko je pucao i ko je ubio njegovog sina [REDACTED] i komšiju [REDACTED]. Svjedokinja [REDACTED] žena ubijenog [REDACTED] čula je za događaj od [REDACTED]. Sjeća se, da je [REDACTED] spominjao ljude koji su pucali na njih i da ih je bilo dvojica, ali da je bila uznemirena cijelom pričom, zbog čega nije zapamtila njihova imena. Svjedok [REDACTED] navodi, da se sa svojom grupom krio u jednoj šikari, kada je naišao [REDACTED] i ispričao da je jedva pobjekao, jer su pucali na njegovu grupu, te da mu je u šumi zv. „Marhoši“ ostao sin, te rođak [REDACTED]. Rekao je da su najvjerovatnije ubijeni i da su ih pobili Tomićani. Ne sjeća se da li je [REDACTED] spominjao imena ljudi koji su pucali na njih, obzirom da je proteklo puno godina. Svjedok [REDACTED] ističe, da je bio sa svojom grupom i da su se zaustavili u jednoj šumi da se odmore, kada je pred sami mrak naišao [REDACTED] koji mu je ispričao da je bio u grupi sa sinom [REDACTED] rođakom [REDACTED] kada je na njih zapucano, te da su ova trojica najvjerovatnije ubijeni, a da se on spasio. Ne može se sjetiti da li je [REDACTED] spominjao imena ljudi koji su na njih pucali, obzirom da je proteklo 15 godina od tada, a u samo vrijeme događaja bio je preplašen, gladan i iscrpljen, zbog čega je prvenstveno razmišljao o svojoj glavi. Svjedok [REDACTED] ističe da poznaje osumnjičene. Čuo je 1992. godine da su [REDACTED] i [REDACTED] ubijeni u jednoj šumi iznad Kozluka i da ih je ubila srpska vojska. Ubijene je dobro poznavao, jer su mu to bili komšije. Inače, o ovom događaju nije ni skim pričao. Poznato mu je, da su osumnjičeni bili pripadnici Vojske RS-e, kao i on, a on je bio pripadnik Tabanačke čete, kojom je komandovao Milić Svetlo.



Dakle, iz svih objektivnih dokaza, kao i iz iskaza saslušanih svjedoka, proizilazi osnovana sumnja da su Tomić Ljubo i Josić Krsto, kao saučinitelji, a po osnovu individualne krivične odgovornosti počinili krivično djelo –Ratni zločin protiv civilnog stanovništva iz člana 173. stav 1. tačka c), u vezi sa članom 29. i 180. stav 1. KZ-a BiH, pa kako je ova optužnica osnovana i na zakonu zasnovana, to se i predlaže sudiji za prethodno saslušanje Suda Bosne i Hercegovine da istu i potvrdi.

#### IV

**Materijal koji potvrđuje navode optužnice:**

1. Zapisnik o ispitivanju osumnjičenog Tomić Ljube Kantonalnog tužilaštva Tuzlanskog kantona broj: KT-RZ-11/06 od 08.11.2006. godine, uz punomoć advokatu Rubež Nenadu iz Zvornika od 12.06.2006. godine;
2. Zapisnik o ispitivanju osumnjičenog Josić Krste Kantonalnog tužilaštva Tuzlanskog kantona broj: KT-RZ-11/06 od 08.11.2006. godine, uz punomoć advokatu Rubež Nenadu iz Zvornika od 09.06.2006. godine;
3. Zapisnik o saslušanju svjedoka ██████████ Kantonalnog tužilaštva Tuzlanskog kantona broj: KT-RZ-586/96 od 11.05.2006. godine i Zapisnik o saslušanju svjedoka ██████████ Kantonalnog tužilaštva Tuzlanskog kantona broj: KT-RZ-11/06 od 26.12.2006. godine;
4. Zapisnik o saslušanju svjedoka ██████████ Kantonalnog tužilaštva Tuzlanskog kantona broj: KT-RZ-11/06 od 20.02.2007. godine;
5. Zapisnik o saslušanju svjedoka ██████████ Kantonalnog tužilaštva Tuzlanskog kantona broj: KT-RZ-11/06 od 21.02.2007. godine;
6. Zapisnik o saslušanju svjedoka ██████████ Kantonalnog tužilaštva Tuzlanskog kantona broj: KT-RZ-11/06 od 05.03.2007. godine;
7. Zapisnik o saslušanju svjedoka ██████████ Kantonalnog tužilaštva Tuzlanskog kantona broj: KT-RZ-11/06 od 26.12.2006. godine;

8. Odluka o proglašenju neposredne ratne opasnosti Predsjedništva Republike Bosne i Hercegovine od 08. aprila 1992. godine („Službeni list RBiH“, broj: 1/92 od 09.04.1992. godine);
9. Odluka o proglašenju ratnog stanja Predsjedništva Republike Bosne i Hercegovine od 20. juna 1992. godine („Službeni list RBiH“, broj: 7/92 od 20.06.1992. godine);
10. Obavijest – saglasnost Tužilaštva Bosne i Hercegovine, Posebni odjel za Ratne zločine, Regionalni tim III, broj KTA-RZ-339/06 od 22.09.2006. godine;
11. Akt –saglasnost Tužilaštva Bosne i Hercegovine, Posebni odjel za Ratne zločine, Regionalni tim III, broj KTA-RZ-339/06 od 13.02.2007. godine;
12. Rješenje Kantonalnog suda Tuzla broj: 003-0-KPS-07-000013 od 03.04.2007. godine;
13. Akt Suda Bosne i Hercegovine, broj: X-KRN-07/346 od 23.05.2007. godine;
14. Naredba za ekshumaciju Kantonalnog suda Tuzla, broj: KRI-67/03 od 03.04.2003. godine;
15. Zapisnik o ekshumaciji Kantonalnog suda u Tuzli, broj: KRI-67/03 od 14.04.2003. godine, uz dopis Kantonalnog suda u Tuzli broj: KRI-67/03 od 28.12.2006. godine;
16. Fotodokumentacija o izvršenom uvidaju u šumi zv. „Marhoše“, Ministarstva unutrašnjih poslova Tuzlanskog kantona-Tuzla, broj: 08-02/3-S-04.6-5900/03 od 20.10.2003. godine, uz objašnjenje fotodokumentacije, broj isti od 25.11.2003. godine;
17. Izvještaj o sudsko-medicinskoj ekspertizi posmrtnih ostataka, broj slučaja Z.KOZ-13 od 14.01.2004. godine, ekspertnog tima UKC Tuzla;
18. Zapisnik o utvrđivanju identiteta posmrtnih ostataka [REDACTED] Z.KOZ-13 od 07.05.2004. godine;
19. DNK izvještaj za oznaku Z.KOZ-13 na ime [REDACTED] izdata od ICMP-a 26.04.2004. godine;
20. Potvrda o smrti na ime [REDACTED] UKC Tuzla-prepis 271/04, nova oznaka 292/09 od 31.03.2009. godine;
21. Izvještaj o sudsko-medicinskoj ekspertizi posmrtnih ostataka, broj slučaja Z.KOZ-14 od 19.01.2004. godine, ekspertnog tima UKC Tuzla;
22. Zapisnik o utvrđivanju identiteta posmrtnih ostataka [REDACTED] Z.KOZ-14 od 07.05.2004. godine;

23. DNK izvještaj za oznaku Z.KOZ-14 na ime [REDAKCIJA] [REDAKCIJA] izdata od ICMP-a 26.04.2004. godine;
24. Potvrda o smrti na ime [REDAKCIJA] UKC Tuzla-prepis 272/04 nova oznaka 291/09 od 31.03.2009. godine;
25. Izvještaj o sudsko-medicinskoj ekspertizi posmrtnih ostataka, broj slučaja Z.KOZ-15 od 19.01.2004. godine, ekspertnog tima UKC Tuzla;
26. Zapisnik o utvrđivanju identiteta posmrtnih ostataka [REDAKCIJA] [REDAKCIJA] Z.KOZ-15 od 22.07.2004. godine;
27. DNK izvještaj za oznaku Z.KOZ-15 na ime [REDAKCIJA] [REDAKCIJA] izdata od ICMP-a 05.05.2004. godine;
28. Potvrda o smrti na ime [REDAKCIJA] UKC Tuzla-prepis 463/04 nova oznaka 290/09 od 31.03.2009. godine;
29. Podaci iz kaznene evidencije za Tomić Ljubu SJB Zvornik, broj: 12-01/02-235-9040/06 od 20.12.2006. godine uz dopis PU Tuzla broj: 08-02/4-1-04.3-7787/06 od 22.12.2006. godine;
30. Izvod iz CIPS baze podataka na ime Tomić /Pero/ Ljubo;
31. Izvod iz CIPS baze podataka na ime Josić /Ivan/ Krsto.

V

**PRIJEDLOG**  
**DA SE NA OSNOVU ČLANA 126. ZKP-a BIH OSUMNJIČENIMA**  
**IZREKNU MJERE ZA OBEZBJEĐENJE PRISUSTVA I USPJEŠNO**  
**VOĐENJE POSTUPKA-ZABRANA NAPUŠTANJA BORAVIŠTA.**

*Tužilaštvo Bosne i Hercegovine smatra da je u konkretnom slučaju neophodno da se osumnjičenima TOMIĆ Ljubi i JOSIĆ Krsti, svakom ponaosob, a na osnovu člana 126. stav 1. Zakona o krivičnom postupku Bosne i Hercegovine, izrekne mjera zabrane napuštanja boravišta.*

*Ovo iz razloga, što smatramo da postoje okolnosti koje ukazuju da bi osumnjičeni mogli pobjeći, sakriti se, otići u nepoznato mjesto ili u inostranstvo.*

*Naime, iako su se osumnjičeni do sada redovno odazivali na pozive Tužilaštva, činjenica je da Tomić Ljubo i Jošić Krsto poriču izvršenje krivičnog djela, za koje se terete.*

*U fazi vođenja istrage, još ne postoji takav ozbiljan stepen sumnje protiv osumnjičenih, koji bi ih motivirao na bjekstvo ili sakrivanje.*

*Međutim, kada istraga rezultira podizanjem optužnice protiv osumnjičenih, proizilazi i postojanje osnovane sumnje za vjerovanje da su optužene osobe počinile krivično djelo za koje se terete, a u konkretnom slučaju se radi o krivičnom djelu Ratnog zločina sa zapriječenom kaznom zatvora od najmanje 10 godina pa do dugotrajnog zatvora. Iz tog razloga smatramo, da postoji opravdana bojazn da bi osumnjičeni po saznanju da je protiv njih podignuta optužnica, mogli pobjeći ili se sakriti, u cilju izbjegavanja krivičnog gonjenja, odnosno kažnjavanja.*

*S toga, smatramo neophodnim izricanje predložene mjere, a u cilju obezbjeđenja prisustva optuženih i uspješnog vođenja krivičnog postupka.*

*Pored toga, ukoliko Sud BiH prihvati naš prijedlog za izricanjem ove mjere, predlažemo i da se na osnovu člana 126.a stav 1. tačka c) i stav 2. ZKP-a BiH, osumnjičenima zabrani kontakt sa svjedocima navedenim u optužnici.*

